

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

子部
第一四五冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB66/01

四庫全書存目叢書·子部一四五

(大陸版：限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.625 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一四五冊目次

子部·雜家類

厚語四卷

〔明〕錢蓑輯
上海圖書館藏清鈔本

一

偶得紺珠一卷

〔明〕黃秉石輯
上海圖書館藏清鈔本

八八

湘煙錄十六卷

〔明〕閔元京 凌義渠輯
北京大學圖書館藏明天啓刻本

一五六

雲邁淡墨八卷

〔明〕木增輯
上海圖書館藏明崇禎十一年木懿喬等刻本

二六七

子史類語二十四卷

〔明〕胡尚洪輯
北京師範大學圖書館藏明天啓六年刻本

五七三

厚語四卷

〔明〕錢蓑輯

上海圖書館藏清鈔本

附《四庫全書總目·厚語四卷》

提要

厚語序

自世教衰而敦厚之風微矣。托腕而遊談者，嘆俗之不美往，以無位為解，及其既得位也，率不能挽而還之。醇厚則豈特無位之罪哉？先王經天下之大法，遠矣其為，能者固非無位者所。能辦至於州長黨正之事，獨不可推而試之州里乎？又不可先諸同姓乎？為士者，盈海內而無求於俗，嘗嘆令之士多無志也。余友錢慈登氏，監官名族，以特書冠冕，擅一方，居初剏，甚口悛，不能道詞而毅然以敦俗為任一。靡不無言而信不介而親者，則誠堂。

學不售久之，起明經訓導於潛居，不以菲薄奉，為進多士於道，以其暇作厚。多士賢重君而強以信其書，君之教嚴，大行於柱山，索豁間矣。甫二載，乃以病卒。多士涕泣行服，搢文以祭，即紳父老有哭失教者，且相率為專祠，學宮之傍，垣豆君噫，此可以觀人心已頃。君猶子應曹，領余金陵，曰：先世父輩以序諸辱有，成命矣。惟先生其終教之余，謂風之敝，非其初皆然也。一人為起而倡之，已而趨者衆焉，而敝斯成矣。其挽而之善，非其初皆然也。一人焉起而倡之，已而趨者衆焉，而俗斯善矣。其

敵也繁之一人其迂而之薄也亦繁之一人君
非其兆與昔秦之亂風俗悖薄及漢以忠信質
木臨之未幾而作奸詐語者人、自重恥言人
過固知儒可禁書可然足古者可罪而惟民生
厚者不銷錄也在有志者勉之而已書凡四卷
藏於家塾而余錄其副焉
萬曆丙午秋鄉瑯焦竑書

厚語序

予友錢懋登氏訓於潛之二年刻其所集厚語
成書來問序予有感於其所稱述而謂此厚語
不可一日廢於宇內者是語行庶幾風俗一新
而人心用以興起迺喜而叙曰人心未嘗不厚
滿於風教日衰云爾為之上者一言倡之下未
不應響者何居蓋風教猶之噫氣是故溫風扇
則夏涼凜風緊則秋落明庶廣莫風生則春生
而冬藏故上人之風教猶是也懋登為人長者
身之所履言之所發一歸於衷而未嘗以
道故平居喜集古人之行之忠厚敦實

序

條為書以訓家子弟及鄉後進者乃今
潛與邑長葉公察長吳公在事其政其
一本於忠厚而潛之風俗馴致如古昔先王之
時可以見身教之益益不誣也書既刻成願廣
被焉使人人知厚道之當遵則懋登之訓不特
於潛一邑而已一國被之則一國之訓也天下
被之則天下之訓也是為序

萬曆乙未冬日友人甬甸東沈明臣嘉則父撰

厚語凡例

一 所錄皆本朝次及先代由今而尚論古人之意也且耳目所逮尤易信從耳

一 錄中分類或一人兼有數善然獨舉一事稱厚者從所重也

一 所錄自本朝外以善行之相近為序次不拘世次遠近厚道無古今一也

一 古今名臣勲業炳炳宇宙茲獨載其一事以勵俗故不敢及

一 善行諸書中最顯著者所刻已多不一遺錄

凡例

一 錄中間附過庭隨行時所睹記了

後一善不思泯焉亦謂庶幾近厚耳

厚語卷之一

海盜錢蒙 編

根本之厚

拙速者曰人之行孝友其本也故孩提稍長即知愛敬其他善行皆自一念孝友中發生未有不能孝友而他行足取者嗟乎生吾身者父母為吾手足者兄弟豈有人而不念其身與手足哉於此不厚安所用其厚首孝弟重本也厚莫先焉載於新錄而持孩提稍長之初心則根本植而德歸厚矣

一 卷

呂文懿公未遇時父任景州學正歿

或勸公大塋公痛哭不肯從權厝景州時

至墓慟哭景人及道傍行聞者皆酸慟已而

奉母南歸宗族有困乏者必推所有調之遇

人之危殆者濟之惟恐不及歲時賞賽奉母

之餘輒分遷宗族鄉黨而自奉甚薄後公任

內閣母憂去道景州啟父寢歸合塋或以陰

陽五行家說沮公不聽奉戴舟中寢苦枕塊

極哀毀病抵家卒

危貞昉浙江臨海人其父孝先洪武辛亥進士

擢官麟游迭再遷陞川坐法謫役江浦縣貞

時時為郎學生訴於郎守欲走代之守難其
行勇時就泣於庭曰人孰無父哉奈何沮我
也左右為之言獲如其請即日上述諸京師
伏闕上疏曰臣父陵川丞孝先不幸結吏議
輸作大江之濱筋力向家不能執事大母范
氏春秋復逾九十旦旦念之恐染霜露之疾
無以遂菽水之忱終天之恨或及其身臣犬
馬之齒方殷願代父作勞使其歸養即元無
恨既奏上惻然從之真時乃解儒衣易短
製欣然就役然體質魁弱不勝負任之口越
七月病卒時年二十八聞者悲之

一卷

瀛立傳

程通少有至性動必遵禮嗜學不倦鄉井一奇
之年十四補弟子員洪武乙丑貢入太學時
年二十二兩寅遭喪歸廬墓三年哀慟數形
妻子至不相識成服復上太學時祖平謝成
延安年耄耄通迺上書言臣幼而無父祖猶
父也臣祖老而無子孫猶子也更相為命今
迺織成卒如林爾豈少祖者辭極懇切書奏
高皇帝憐之特其章不下私命兵部釋召平既
至迺并召通東西立殿陛下顧通曰汝識此
人否祖孫相持哽咽不能仰視帝歎曰孝

哉此人命除其籍

劉謹浙江山陰縣人洪武中父謫戍雲南伯元
又以督運死京師謹甫六歲輒知痛父一日
問家人曰雲南在越何方家人以西南指之
輒朝夕向西南遙拜年十四歲父死曰雲南
雖萬里天下豈有無父之子哉治裝為身父
計時海芟初服道路荆楚歷六月抵雲南艱
辛萬狀遇父於逆旅相持號慟行道傷悲俄
而父患瘋痺欲以身代戍冀得歸父而
國法成違者惟十六以上嫡長男始得更替於
是復歸攜伯元子往而伯元子亦尚孺焉

一卷

三

復歸悉需家資以往蓋返雲南始得歸耳
也父歸家徒四壁幾不能為主謹力供菽水
晨昏必極其歡督學使者張偉為傳其事
新黃妖寇自閩犯龍泉章溢與從子存仁避亂
山中存仁為寇所執公曰吾兄止有一息不
可使無後挺身出謂賊曰免幼無所知我願
代之賊聞公名大喜其帥欲問計公正色拒
之賊怒繫之柱以刀磨其脇曰不從者死公
終不為屈賊壯之不為加害棄間脫歸公自
喪母悲戚過度及營宅北親買土石感疾益
深臨終親友何濟來候曰當收歿此心母有

所執滯公曰吾久已知之公性孝友父喪未
舉而道發里閭室虛被災公稽顙衝天火至
樞所即藏事母夫人倚極孝養每事必得其
懷心與二兄別居已久既創弟龍淵尤敦請
同居以奉母怡怡之情猶如也

博士王紳幼鞠于元綬最恭順痛父元義尤孝
事母母卒哀毀未幾元綬亦卒營塋覽苦教
授蜀郡痛父遺骸未返丘隴白王走雲南勸
哭原野行求父之不能得即奠死所仰天一
號幾絕日夜悲哀漢人感愴稱王孝子八月
述滇南恸哭記子孫少有志行壯力聞也

一恭

四

至孝紳痛念父沒食不魚味檢遺教子孫
承教十年不變父母喪三年酒肉未嘗一
門人私謚孝莊先生

郭威襄孝友仁慈恭儉誠實出于天性母夫人
善疾萬惡身燈告天求以身代疾遂逾人謂
公孝感所致後母卒公廬墓晝夜號泣不絕
臥寢于地毀瘠日甚一夕夢母夫人告曰地
濕則致疾傷生汝固純孝惟竭忠報國為父
母光墓不必廬也公感悟歸家三年之中哀
痛如一日

知府周公濟父禮遠涉江湖聞公既冠入郡庠

為弟子員因讀論語至父母在不遠遊章味
定省職而音問疎之語慨然不樂曰父在教
十里之外數里周矣若之何而不往省乎即
徒步以往再越月抵閩適逢疾已危一見公
遂愈乃奉以歸復入學曰方寸定矣於是刻

苦不知寒暑者累年遂領河南鄉薦
陳白沙先生事太夫人甚謹太夫人非先生在
側輒不食食且不甘先生在外太夫人有念
輒心動亟歸果然母愛子慕惟日不足太夫
人頗信浮屠法及病命以佛事禱先生從之
御史王鼎曰此見先生變通處也北行時

一恭

五

別太夫人欲做徐仲車故事伯兄不可曰
弟為人子吾獨不為人子乎兄弟泣爭已意
行路太夫人歿以七十年之派子居九十年
之母喪哭辦食素一如先王之禮太夫人老
耄康強如壯先生以古希年領多病嘗慮一
旦身先朝露不能送太夫人終故自太夫人
七十年之後也每夕具衣冠秉燭焚香露禱
于天曰願某後母死也後喪太夫人服闋絕
不衣錦繡曰向者為親娛耳

何燕泉性至孝父卒扶柩舟還遇親友人各奔
先公誓與柩存亡獨守不去竟全母病瘥不

能言公色養必得其致嘗扶母避盜路危棄 積以脫此化運則精猶存人以爲神庇 寇公徐水隨其叔父大理裕巷公于京師一日 聞父殺巷先生病救急即簪裳展歸千里六 日夜抵家侍湯藥不解帶者四十餘日殺巷 先生見公至喜疾愈鄉人稱其孝感後公在 寧波南畿閩中皆迎養慶諸弟思義倫至從 弟天瑞天興携教宦所天瑞中珠天興發解 山西登進士剛直適性不絕于時子陽弱冠 舉進士	呂涇野父渭陽公病公侍湯藥晝夜衣不解 履恒無聲如是一年鬢髮盡白渭陽公卒 家毀嘔血先是宗淑人積瘕城東至是尸塋 失一指公龍天痛泣乃復得之遂合塋時大 雨如注公徒跣踣泥中皆感泣稱孝 李賓之事父極孝雖位至公祇周旋承順略不 少怠飲酒不多然遇酒過聯句或對奕則忘 倦嘗中夜飲酒歸其翁猶候之賓之愧悔自 是赴席誓不見燭將日哺必先告歸此為人 子者所當效也	儲文懿公年二十三母王淑人疾醫藥不愈乃 刺股救之延數旬卒時尚未室宗戚強公娶
--	---	--

公頌足號天足指俱折乃已救人遺命勿差 先兆內家貧無資公極力別營墓域每旦伏 哭塚上夜則苦誦讀以圖顯揚終不舉應天 卿試第一路至儀真而號泣赴家痛母氏弗 及見也	林蔭齋性至孝事母至謹或有疾則親調湯藥 不敢離左右及母歿哀毀貧薄而殯殮葬祔 一於禮而不苟每痛二親不逮養語及必悽 愴終日治家儉而有禮待宗黨極厚族弟喜 幼孤無依養於異姓取歸撫育迄于成	子姓讀書言不輟口與鄉人周旋款洽不 一毫 七	矯飾事其師孟陽最謹孟陽復爲翰林掾 以事沒于京爲之誣盡家事以及其妻子于 閩	劉珣字叔溫山東壽光人事親至孝左右奉養 無所不至父性嚴或以他怒不食輒引諸孫 戲於前必得一笑乃已每受賜物必先緘奉 得書即跪而讀之母夫人歿廬墓三載哀毀 萬至鄉人化之號其里曰仁孝至康熙第宗 族咸有恩與朋友交雖和而正率以道義相 規珣正統戊辰進士官至戶部尚書謚文和 唐儼廣西全州人父嘗知郴州歸老於家得危
--	---	--	---	---

疾時儼年十二恒侍疾不懈迎醫不遠乃潛
剖右脇肉剔腸退之父歿之良愈未幾父疾
復作而歿儼哀毀如成人見者傷焉儼游學
從兄于毫其嫡母蒙寢疾於家儼妻節氏年
十八奉其姑甚為蒙疾劇節曰吾婿人安所
事湯藥吾夫以骨肉瘞吾窮吾獨無以療姑
我剖右脇肉以進蒙而蒙病亦愈儼聞母病
馳歸至者無恙久矣儼拜其妻妻曰凡吾分
也儼嘆曰吾得子吾無憂於事親矣是時慈
谿姚公謨督學政於桂錄儼於牘以果帛給
其妻母元廬墓三年儼貢入太學子孫甚

一卷

八

姚公子沐學士為其立傳云

王浩浙江仁和人童時母病亟剗股療之他日
父病亟又剗股療庶元洪蕩費其資產一無
所遺而元其子又以替廢收而字之與已子
無二其孝友大節如此嘗客京師閩人曾某
以流米登擢浙藩理問貸浩百金振治親喪
去職浩憫其貧無以償輒取券還其子浩子
嘉靖甲午鄉舉仕至廣東廉州知府

孫堪字志捷浙江餘姚人忠烈公長子也正德
己卯奉母家居而江西難作即洒涕援父從
之至則逆寇已擒因政治忠烈之壙一慟而

凡蘇則逆蹟兩耳結廬忠烈之墓所三年而
孫子哭治宣武里第以奉太夫人旦夕率二
弟堪陞及子堪為嬰兒之嬉太夫人偶有訶
責必長跪於前解之太夫人每哭忠烈忌甚
哀堪率閨室助之畢哀必百計以來其意平
癸丑之秋堪年七十二太夫人始捐館哀毀
之甚旅次錢唐一夕隕石於江涌水盪舟衆
共訝之明日堪以不勝哀卒於極前

孝子胡斌海鹽人也父一竹罕指家政于斌
日以所欲責之斌方少年偕其室人顧極甘
香盡悅愉致賓朋縱娛樂惟務親心之得當

一卷

九

其裕時無難也自裕而衰宗而貧家事落莫
甚雖菽水必權承顏益萬一竹居春秋高喪
其耦性嗜音樂寂寥處嫗長夜耿耿斌思所
以排遣之乃自學歌曲夕必同寢以暖煖足
高唱清綿感動隣里如是者十餘年一竹居
沒室懸琴矣乃需所居以棄之哀毀躬親罔
弗成禮人皆曰孝雖傳記而睹未之龍過也
吳駒字彥驤江右南豐人也駒孝友天至讀書
通大義頗攻詩日侍父母左右父潮崇以茂
村授政和令政海陽令歸宣德丁未備里人
孫住給力其家一日駒出外里胥彭文杰曰

孫一藉甲也誘而誘之潮宗覽率諸子姪拒之毆文杰不意致死法坐潮宗駒曰吾父老矣吾第初且無後自詣里曰死文杰者駒也令難之駒曰以子代父何不可乎况殺人者實駒也非吾父與弟也令憫而代之父出獄人曰孝哉吳氏之子乎居二載會有詔赦疑獄行在所駒在行中至淮安病卒羅一峰傳曰世以孝聞者或封肉一臠廬墓三載遂遭精變天地誠動鬼神况以身代死若彥驤者乎其與日月爭光也宜矣

沈曰旗浙江山陰縣人少遊學校以父久客河

一卷

十

南音問遼絕白于當道訪尋歸之時有令凡序諸生有稱故遠遊者例成遞當道以是難其行曰獨曰使得見吾父雖十成不辭奮然治裝以行辛苦萬狀備歷險遠卒遇其父於逆旅奉以歸尋領鄉薦為學官

陳巨理浙江餘姚人其伯父孟昂無子以巨理繼之已而復生一子巨理至孝孟昂卒妣老且失明患疽巨理親吮之疽瘰悅呼巨理行曰巨四至孝吾所生兒不逮也願天生賢子孫以報汝果生克宅歷官副都御史祿有年官至兵部侍郎吏部尚書

錢瑛本吳越王儔之後徙居江右之吉水瑛祖本和尤為行士也瑛生八月而派稍長額敬時紅巾盜起瑛奉其祖及母避之奔廬陵之李坑盜追及本和被擒不允縛之瑛乞以身代益并繫瑛本和哀訴無子惟此一孫兩人爭代元賊憐兩釋之瑛母尋被執瑛妻梁氏謂伏藁葬中即出迎賊曰姑老矣請釋而縛我賊即解姑縛張氏梁氏擲袖中銀鞋與姑婢脫其姑稍遠即罵賊不肯行遂死之國朝兵定有司薦瑛皆以親老辭其子遂志永樂丙戌進士

一卷

十一

陳恭愍做范文正公置田壹百肆拾畝以充祠先嗣族之用號思遠莊及卒後族人以公無餘資舉田還公子戴戴不可曰先人置此以行義也戴取而私之獨無愧乎况治命又嘗俾勿廢九人謂公有子

胡敬齋公家居日以悅親為事父病劇嘗糞不異古人為宗族訓子姪不倦執親之喪哭踊骨立非杖不能起三年不入寢室祠堂四時月朔之祭悉遵古禮

鄭縣張翁南川文定公邦奇之父也公為學憲時其廳事僅二楹上官過訪頗不便旁一楹

遇其叔之居也適叔有宿逋愿售公以倍價
買之將重構焉苦於翁問價幾何以若干對
翁知其倍也甚悅已忽潛然淚下公訝問故
翁歎曰嘻吾想至日拆彼屋以豎我柱使其
夫婿何以為情是以悲耳公遽惻然曰大人
寬心兒當還之遽抽身取券翁又止之曰毋
吾計其銀已隨手贖人去矣將若之何公曰
弟併其價不取可也翁颺欣然曰若然慰我
甚矣吁翁之孝友仁慈載諸傳誌允哉淳德
此特其遺事一節耳宜其為生文定勲名通
德卓然為一代純臣也豈偶然哉

一卷

十一

劉文介天性孝友初二親蚤白在堂伯元蚤世
仲兄優游文翰間惟父繇理家務雖公移多
故而二親安公之養閑居教子弟務底成材
族人數千凡富者葬其喪貧者成其配寡弱
者扶之得所鄉人有貸者悉焚其券嘗慕范
文正之為人立義倉於先祠之左貯粟以周
其乏且自為記以見志

陳經字子龍嘉興海鹽縣人也家甚貧出就館
穀束修一毫不入私囊悉奉其尊人歲牛歸
家主人以錢千文為修儀其內人收之時夏
且無禪欲以市夏布也經怒斥之曰吾父老

矣方苦家用不足奈何收之以貽吾父憂索
踐歸父嗟乎世之好貨財私妻子者視陳先
生天壤矣文川張希良每為余稱之

伯兄藝字懋仁以孝友稱于一邑嘉靖丁亥先
居守臨江得疾旦夕危矣書報伯兄而携一
僕晝夜兼程而往每至官驛必號泣問臨江
知府坐任否七日七夜抵任所時父在牀蓐
撫之而泣迎醫調治晝夜露禱疾尋愈父每
曰吾無尔無以至今日先居待諸子甚嚴伯
兄時年六十餘矣朝夕定省終日侍立至老
不棄云

一卷

十三

孫趾字文度吳國富春人吳代波將軍秀之曾
孫也雖僕家豐厚而趾常布衣蔬食躬親雙
肱誦咏不廢欣然獨得父母恩其如此欲加
優饒而夙興夜寐無雙解也父母起居嘗饌
雖諸兄親饋而趾不離左右富春車道既少
動經山川父難於風波每行乘藍輿趾躬自
扶持所詣之處則於門外樹下蒲屏之間隱
息初不令主人知之兄嘗為疾經年趾躬自
扶持藥甘苦必經心日跋涉山水祈求懇至
聞人之善欣若有得聞人之惡慘若有失見
人饑寒並周贍之鄉里聘遺一無所受親故

有窮老者數人恒往來告索人多厭慢而暴見之欣敬逾甚寒則與同衾食則與同器或解衣推被以卹之時年儉穀貴人有生刈其稻者暴見而避之須去而出既而自刈送與之鄉鄰咸愧莫復侵犯

郭琮台州黃巖縣人主性孝悌涉沉氏伍少喪父常有罔極之歡事母嚴氏恭順娶妻有子而移居母室供給胙食必華歆異凡母所欲必親奉之或經享人之手則憂形於色慮失母之意居常不近中食絕飲酒茹葷者三十年以祈母壽母年一百四歲耳目不衰飲食

一卷

十四

不減鄉黨異之至道三年潛使詣其家根其事實因召母與坐飲以醇酎嗟嘆良久其友以聞太宗覽而嘉之詔書旌表門閭除其徭役次年無疾而終香氣盈室琮哀號踰被幾乎滅性鄉里率金帛以助葬

李璣杭州仁和人幼失父家苦貧而至孝於母後以藥歸為業家稍豐厚孝心益篤移居母之室夜常十餘起母每諭之曰汝年長勤力頗德盡求母以給侍我死汝幸苦璣曰凡母之所欲不親經于意如有失其母亦不之強以是家人無敢怠惰凡市人知璣孝者物出

必先求以奉璣璣得之十倍其價或問之璣曰冀訪其耳滑以奉母豈謀價乎溫州人張用聞其主孝因與之卜隣而居

蕭道壽京兆興平人家貧繼母以自給母年八十餘道壽事養盡禮每旦候母起夫婦親侍盥櫛日三飯必待母食然後退就食至夕必待母就寢然後退就寢出必以告母許出乃敢出母或怒欲罰之道壽自進杖伏地以受杖足母命起乃起起復再拜謝遣教拱立左右俟色喜乃退母若有疾醫藥不能療道壽到股肉啖之而愈至元八年賜羊酒未

一卷

十五

其門

劉殷字長盛新興人也七歲喪父哀毀過禮服喪三年未曾見齒曾祖母王氏歲冬思望而不言食不飽者一旬矣殷慙而問之王言其故殷時年九歲乃於澤中恸哭曰殷罪蒙深重幼丁難蜀王母在堂無旬月之養殷為人子而所思無獲望天后土願垂悲聲不絕者半日如是忽若有人云止止聲殷收淚視地便有莖生焉因得解餘而歸食而不減至時望生乃盡又嘗夜夢人謂之曰西嶺下有粟寤而掘之得粟五十鍾銘曰七年粟百石以

賜孝子劉殷自是食之七載方盡時人嘉其
至性通感就以穀帛遺之

王薦福寧人性孝而好義父嘗疾甚薦夜禱于
天願減己年益父壽父絕而復甦告其友曰
適有神人語我曰子孝上帝賜汝十二終
疾遂愈後果十二年母沈氏病渴語薦曰
得瓜渴可止時冬月衆子解不得行至溪與
翁在大雪薦過雪樹下思母病仰天而哭忽
見巖石間青蔓離坡有二瓜焉因摘歸奉母
食之渴乃止元益給早世嫂林氏更適于劉
仲山仲山嘗以田繫於薦及元不能葬且無

一卷

十六

子薦而以田還之使置後且治葬焉州禁民
元不葬者時會未葬者畏令惡焚柩并骨薦
哀之以地為義所收葬有不能飲者復買棺
以贈至大四年其鄉早薦盡出儲粟賑之有
施福寺十一家儀欲元薦惻然欲濟之家粟
已竭即以田畝穀百石分給之福寺德其活
已每月朔會佛祠為祈祈福建宣慰司上狀
旌之

查通字湛然歙州休寧人嘗在滑州母疾綿歲
道調煎藥劑經旬不寢母思鯪魚求莫能得
道因詣黃河構視垂釣獲之重僅踰斤携歸

官舍為羹以進母食而漸愈後聞者爭往或
釣或網終無所獲人以為天賜之也鮑良之
後口絕酒肉雖深冬積雪常布素徒跣杖而
後起終制就舉登進士第

王延九歲喪母泣血三年幾至滅性每至忌日
悲啼三旬縫母卜氏遇之無思恒以蒲撲及
販麻頭與延時衣其粗母聞而問之延終不
言事母弥謹卜氏嘗感冬思生魚使延求而
不獲杖之流血延脩泔水扣水而哭忽有一
魚躍出水上延取以進母延事親色養夏則
扇枕席冬則以身溫被卜氏心怡撫之如已

一卷

七

生

杜孝少孤母母魚步充後成都得一魚無可寄
乃截竹筒盛之若果兩頭托水以寄筒果流
門前水灣觸岸不去妻汲水取之曰此必吾
夫寄也遂烹供母

梁彥光字修之安定烏氏人少岐嶷有至性七
歲時父遇萬疾醫云餌五石可愈時求紫石
兵不得彥光憂瘁不知所為忽於園中見一
物彥光不識怪而持歸即紫石英也親屬咸
異之以為至孝所感

徐績字仲車楚州山陽人也父石羅城居卒先生

始三歲晨昏問安求其父甚哀太夫人一日
使請孝經輒流涕不能止先生事母謹嚴非
有大故未嘗去側日具太夫人所嗜或不獲
即奔走闔市若有所亡或慕其純孝損直以
售之所奉饌皆手自調味太夫人飲食時先
生率家人在左右為樂戲或謳歌以悅之故
太夫人雖在窮巷而奉養與富貴家等無須
吏不快也應舉貢禮部不忍一日去其親遂
徒步載母而入京即時先生年過壯未娶或
勉之答曰娶非其人必為母病予非敢忘嗣
固有待也太夫人以疾終先生號慟嘔血絕
而復蘇哭不輟聲水漿不入口十日廬墓三
年至雪夜哀號伏墓呼太夫人問寒否如平
生困委僵仆手足皆裂不顧也翰林呂絳嘗
造廬下見其飲食間共號哭盡涕曰想見鬼
神中夜聞此聲亦須為公泣
薩琅字用謙七歲而孤母沙氏守節不戒琅薪
薪拾穗以資養而母不知其勞鄉人以孝子
稱之里中罕父老祈於神弗應或曰薩孝子
有至行必能致感使之禱果雨繼有大灾又
求薩禳之火隨息母嘗患疾藥弗奏劬琅憂
懼每夜露禱北辰祈以身代時母不粒食七

日矣忽蘇曰適有人語我而有孝子加爾壽
三十四旬是疾或風痺琅夫婦日夜扶掖不
離側比母沒乃三十四月云琅哀毀骨立號
慟久而愈切琅平生尚義至老弥篤於財不
苟取里中唐氏女往所親家適其家當籍沒
女倉卒以布囊貯金珠有佛掛寄隣家候落
琅廢園中琅得之訪知其為唐物也悉歸之
鄉人馬家被火以地售琅琅除地得白金一
鑒還其家馬分一半謝琅琅曰汝方值灾吾
思憂此即堅辭之有日其行義報薦之者輒
辭曰凡人通富然堂數街名求售耶琅聞人
也
樂順之字文德南陽溫陽人也仕為京府參軍
父在耶病亡順之悲慈涕泣用請假還中
路果得父山問便徒跣號咷出陶後者遇商
人附載而工水漿不入口數日害病與母隔
壁思痛不言啞被至碎恐母之傷已也吏部
郎庾果之嘗往候順之為設食惟枯魚菜蔬
果之曰我不能食此母聞之自出索膳魚羹
敬饗果之曰鄉過於羊李傳我非郭林宗
李虛已母喪明醫者曰浮弱及晴但千飯十日
勿藥自痊虛已臥晴二年逆明

李行簡父患癰疽痛楚以口吮其敗膏不啖于地父疾遽平

彭孝者世為義門陳氏傭夫喪明已久有子一人嘗問陳之子第言舜為父瞽叟砥目而致明乃歸鼓之不旬日父目忽然明朗夫以傭人之子而有孝感之行如此世稱慈孝詩書子弟乃有蔑視其親者聞彭之風不亦愧元乎

張元字孝始河北藁城人也祖成父延傳並以純至為鄉里所推元年十六其祖喪明三年元恒憂泣晝夜然燈禮佛願祖目見明求身

一卷

二十

代其闕經七日夜夢一老翁以金鏡療其祖目喜躍驚覺乃徧告家人三日祖目果明其後祖臥疾再周元恒隨祖所食多少衣冠不解旦夕扶持及祖歿號踊絕而復蘇水漿不入口三日鄉里咸歎異之

鄒忻泰州泰興縣人十歲喪父以母多病葷辛不入口者十載鷄初鳴具冠帶率妻子詣母室問其所欲如此五十年未常一日改所居連郡城幾百里每過二稅入輸語其昆季曰家之極難者願付我必克荷之不爾輸稅慮離母左右以失其欲也母老目忽不能視物

忻日夜號泣祈禱天地刺血寫佛書數千卷母目忽明坐榻下能縫紵精神輕健雖少煩不若晚年忽語其子曰吾儆汝不食葷辛矣每日不過中食顏色如童稚年九十無疾而終

秦族上郡洛川人也祖白父莊並有至性聞於里閭族性至孝事親竭力及父喪哀毀過禮每一冊哭酸感行路既以母在恒抑割哀情以慰其母四時珍羞未嘗匱乏與弟榮先友愛閨門之中怡怡如也其母又沒哭泣無時惟飲水食菜而已終喪之後猶蔬食不入房

一卷

三

室二十許年鄉里咸歎異之其邑人王元達等七十餘人上狀詔旌其門榮先亦至孝連父喪哀毀不已遂以毀卒邑里化之

徐孝肅汲郡人也事親以孝聞雖在幼小葷葷間有爭訟皆至孝肅所取平短者無不引咎而退孝肅早孤不識父及長問其母父狀因盡工圖形立廟而虔省為期望事祭養母至孝數十年家人未嘗見其忿恚母老疾孝肅親易燥濕憂悴數年見者莫不悲悼母終孝肅茹蔬飲水歲冬車裳毀瘠骨立且土成墳廬于墓所四十餘年故髮徒跣終身